

A s'Amigu Bartulu Zinellu
Pro sa morte de su Poeta Sabastianu Morette

Tresnuraghes si has veru deccoro
Intricia pro Morette una corona
De comente la tessel s'Eliconu
Ca tedesset memoria eccellente
S'Eliconu la tessel de comente
Ch'eccellente memoria hat esset
De comente s'Eliconu la tessel
Ch'eccellente had esse memoria
Pro godet eternu onore e gloria
Cust'Eroe in te raru tesoro
In sa losa l'iscrite a rimas d'oro
A tie Rosa custu donu offerit
Pro signu chi s'amore mai perit
Pro chie tenet sinceras istimas
In sa losa riscrite d'oro a rimas
Rosa offerit custu donu a tie
A rimas d'oro in sa losa riserie
A tie custu donu offerit Rosa
A rimas d'oro l'iscrite in sa losa
A tie Rosa offerit custu donu
Pone d'ogni dovere in abbandonu
E inghirlanda su tumbinu e laru
Tresnuraghes si has veru deccoro
Intricia pro Morette una corona
De comente la tessel s'Eliconu
Ch'eccellente memoria tedesset
De comente Eliconu la tessel
Chi ted'esset memoria eccellente
La tessel s'Eliconu de comente
Chi eccellente ted esset memora
Pro chi godet eternu onore e gloria
Custu Eroe in te tesoro saru
Tottu pienu de piantu amara
Devottu a campusantu unidu anda
E sos altos coros l'incumanda
Salmos cantende in su recintu amenu
Tott'e amaru piantu pienu
Devottu and'unidu a campu santu
Tottu pienu de amaru piantu
A campusantu unidu anda devottu
Pienu de piantu amaru tottu
Devottu anda a campusantu unidu
E cun su coro tristu indolenzidu
Cumpli sa missione a bone sé
Tresnuraghes si has veru deccoro
Intrida pro Morette una corona
De comente la tessel s'Eliconu
Ch'eccellente memoria ted esset
De comente s'Eliconu la tessel

Chi ted esset memoria eccellente
S'Elicona la tessel de comente
Chi eccellente ted esset memoria
Pro chi gode eternu onore e gloria
Cust'Eroe tesoro raru in te
Nende chi cumandadu ses da me
Fattende tantu meritadu onore
De abetes cipressos apremmore
Circundatilu dae testa a pese
Nende chi cumandadu dae me se
Fattende tant'onore meritadu
Nende chi dae me ses cumandadu
Tant'onore meritadu fattende
Chi cumandadu ses da me nende
Fattende meritadu onore tantu
E d'est gloria sua e tou vantuu
Chi l'ammirat d'ognunu a die e hoe
Trenuraghes si has veru deccoro
Intrida pro Morette una corona
De comente la tessel s'Elicona
Chi eccellente memoria ted esset
De comente s'Elicona la tessel
Chi ted'esset memoria eccellente
S'Elicona la tessit de comente
Chi eccellente ted esset memoria
Pro godet eternu onore e gloria
Caru tesoro in te cust'Eroe
S'amada lira da sas musas noe
Senz'ira bene acordada la giughe
E in tonende sas precces de lughe
In santa paghe comente praticas e usas
S'amada liras da sas noe musas
Ben'acordada la giughe senz'ira
S'amadada da sas noe musas liras
Senz'ira bene la giughe accordada
Sa lira da sas musas amada
Accordada senz'ira giughe bene
Che sorre de sa Greca Mitilene
E dempi su dovere a bonu gustu

Tresnuraghes si has veru deccoro
Intrida pro Morette una corona
De comente la tessel s'Elicona
Ch'eccellente memoria ted esset
De comente s'Elicona la tessel
Chi ted'esset memoria ecceilente
S'Elicona la tessit comente
Chi eccellente ted'esset memoria
Pro chi godet eternu onore e gloria
In te raru tesoro Eroe custu
Si li tenias veru amore giustu
E tue in cunsideru lias tantu

Piantali a capita un amarantu
Chi su sepulcru profumet s'odore
Si li tenias veru giustu amore
E tue lias tantu incuseru
Si li tenias giustu amore veru
E tue tantu in cusideru lias
Si veru amore giustu li tenias
E tantu incunsideru lias tue
A d'ogni parte e sa terra a dognue
Mando cordoglias pro custu Poete
Trenuraghes si has veru deccoro
Una corona intricia pro Morette
¬Si sos colle gas sian pius de sette
Tocat a tie de los invitare
De acudire a custa sepoltura
Pienos de dolore e de tristura
Pro amore una lacrima versade
Appena happo rezidu
Custa trista notizia
Cun su coro pienu de angustia
Confusu e atturdidu
Pro signu de amicizia
Mando custu fiore e parte mia
A tie Tresnuraghes
E si contu nde faghes
Pro ammentu lu tene solu ebbia
E ponelu in sa losa
Inue dormi sa salma famosa
Scano Montiferro, Aprile 1932

Zuane Battista Pes

Sa limba mia, brusiet su fogu
si como deo sò faeddande male
tue istimas a sant' Antiògu
e nachì l'as affetu cordiale
però si si siccat su enale
malaighes su santu, ei su logu
si sas bundantes venas restan siccas
lu malaighes e faghes sas ficcas.

Elogiu de s'istirpe Savoia

E in generale de sos chi hana cuncurtu pro s'unione e s'indipendenza de s'Italia

Introduzione - A sos Poetas

Poetas pro s'italicu valore
Cantade vivamente innos de gloria
Applaudinde s'acchistadu onore
Ch'est dilgnu 'e registrare in dogni istoria

Cantade ch'hat perdidu brama e boria
Su barbaru vandalicu invasore.
Tales chi ogni mannu ogni minore
Serbet imperitura sa memoria

Permittide ch'in mesu a sos cuntentos
Pro signu chi a sa patria hapo istimas,
A bois ch'hazis profundos talentos

Bos cunsagro custas poveras rimas
Pro elogiare sos chi sunt intentos
A bideas leales pius sublimas.

Argumentu

Ecco chi su momentu est arrivadu
D'aer sa grande Vittoria in manu
Vivat pro custu s'italicu istadu
E i su nostru potente sovrano
Vivat egualmente ogni alleadu
Cun sos ch'hant fattu fronte a su tiranu
Ch'impegnados si sunu in cust'impresa
E ana resu sa Patria difesa.

Italia terra 'e dulce incantu
Eden deliziosu in su valore
Osserva cantu sarnbene e piantu
C'hat bagnadu pro culpa 'e s'invasore
Como cuntenta parlada cun vantu
A chie sempre tentu t'hat amore
Ch'est bistada s'istirpe Savoiarda
Istirpe d'eroisrnu pius gagliarda.

Cust'istirpe est bistada intenta e fida
Pro ti difendere sende a malu puntu
Ma est bistada sempre persighida
Da sos nemigos cun gherras assuntu
E magnanimamente resistida
S'est finas chi sas legas hat disgiuntu
De tanta istraniera invasione
Pro dare a tie sa riunione.

Non tratto de s'antigu fundamentu
De custa generosa nazione
Ma da s'epoca a su risorgimento
Ch'iniziesit sa redenzione
O siat dae cando iscopu hat tentu
Su passu de sa liberazione
Elogende sos tuos difensores
Chi sun bistados sos benefattores.

Fin'a su milli ottighentos trintunu
Dae su mottu e su carbonanismu
Certas provincias rivoltadas sunu
Pro costituire su liberalismu
Ma trionfare non podet niunu
Cun su dominiu e su vandalismu
Ca cun catturas, mortes e saccheggios
Sos austros appagant sos aggreggios.

E pro immensos annos cattivados
Sun sos Italos da sos Invasores
Han s'idea de benner liberados
Ma non bastant sas forzas e vigores
Sos chi reggent sos minores istados
Sos prus sunt de Vienna fautores
Sunt sos Italianos troppu offesos
Ma pro sa forza supportant sos pesos.

Poi su barantotto iscoppiada
Si este sa riforma italiana
Pro liberare sa zente aggravada
Dae sa dominanzia tirana
Carlo Alberto impugnesit s'ispada
Contra s'invasione austriana
Cun magnanimidade e cun potenzia
Fundat sas gherras de s'indipendenza.

Si movet cun s'idee 'e liberare
S'istadu oppressu dae s'inumanu
E valorosamente in su gherrare
Trionfat a Goitu e Manzabanu
Solet Borghetto e Veggio leare
E a Pastrengo cun potente manu
Binchet Santa Lucia e Peschiera
Cun sa tricolorada bandiera.

In medas puntas s'Austria canaglia
Carlo Alberto forte hat aterradu
Pustis sa grande forza e sa plebalia
Li leat cantu haiat achistadu
E a Novara cedit sa battaglia
E a su tronu hat su fizu abdicadu

Su segundu Vittorio Emanuele
Ch'e Savoia fit duca fidele.

Intantu s'armistizio fatesit
Vittoriu cun liberale idea
In su chimbantachimbe s'aumesit
In alleanza e partit a Crimea
Grand'onore in battaglia acquistesit
E l'hamirat sa-tetra europea,
S'esalta puru s'esercitu sardu
Cun provas d'eroismu e de azzardu.

In su chimbantanoe cun fervenzia
A s'alleare cun sa Francia attendet
E i sas gherras de s'indipendenza
Vittoriu cun animu riprendet
Battit s'austriaca prepotenzia
E isconfitta a Palestro la rendet
A Solferinu e Magenta cun gloria
E San Martino hat grande vittoria

Che discazzat dae sa Lombardia
S'invasione austra tirana
E cun grande valore e simpatia
Conquistat Emilia e Toscana
E cun solu mill'omines ebbia
Binchesit s'isoletta Siciliana
Atterrit sos Borbones chi dan rabbia
In Sicilia, Napoli e Calabria.

In su sessantases torrat in gherra
Cun s'invasore solitu tiranu
Dende battaglia per mare e per terra
Vittoriu Veneto hat in manu
Faghet sa paghe sena cuntierra
E lu proclamat Re Italianu
In su settanta conchistat a Roma
E i s'Italia est già unida insoma

E cun custu s'impresa hat concludu
Vittoriu s'eroe Savoiaru
Cun haer debelladu e aterridu
A s'invasore inimigu e testardu
C'hat continu s'Italia opprimidu
M su valore e su regnante Sardu
L'at posta in libertade e l'at unida
Da moriburida l'hat torrada in vida.

Bat ancora charc'atera regione
Chi toccat a s'istadu Italianu
E d'est suta sa dominazione
De barbaricu imperiu estranu

Ma de custu sa liberazione
S'isperat chi no est tantu lontanu
Pro chi si vivet s'istirpe sabauda
Unit s'istadu e reprimit sa frauda.

Intantu pensat de organizzare
Vittoriu s'Istadu cun fervore
Sas finanzas procurat riordinare
Faghet mezos che benefattore
Abberzesit tribaglios de ammirare
Chi nd'est cuntentu dogni abitadore
Pro cust'in tottu s'Italicu Istadu
Est su Re galant'omine giamadu.

E sighit a regnare in allegria
Vittoriu che nobile Sovranu
Pustis de una breve maladia
Morit in Roma che bonu cristianu
Est resentidu in dogni parte e via
Grande luttu hat s'Istadu Italianu
Chi da dogni ala coronas de laru
L'offrin bagnadas de piantu amaru.

Benit Umberto primu postu in tronu
Pro esser de s'Italia Regente
Est d'indole leale, gratu e bonu
Su regnu tenet pacificamente
S'ottantachimbe diventat padronu
D'Eritrea Colonia potente
Acquistende unu vastu dominiu
In Massaua in su regnu Abissiniu.

Est de caritativu bonu coro
Cun sa zente afflitta e affannada
Chi da su maremotu in domo insoro
Si restesit efranta ruinada
Benevole offrende prata e oro
Succurret cussa zente isventurada
E in su regnu sou totalmente
Rispettad'est da levante a ponente.

Ma persighidu dae s'anarchia
Est su bonu Monarca dogni istante
Prima po lu occhire a ingannia
Li tentesit su colpu Passanante
Segundamente in pubblica via
Li tirat Acciarito su birbante
Pustis Bresci s'infame regicida
Send'in Monza truncadu l'hat sa vida.

O acerbu terribile dolore
Ch'est bider su Sovranu assassinadu

Cuddu chi a'Custoza cun fervore
Sa vida hat po sa Patria affrontadu
Cuddu chi succurriat cun amore
A ogni poveritu isfortunadu
Cuddu chi consmesit sa persone
Pro su bene de sa sua Nazione.

Est Vittoriu terzu successore
De s'italicu regnu proclamadu
Chi a sa nazione hat grand'amore
E bramat render felice s'Istadu
Imitat a su giagiu in su valore
Totu a s'eroismu dedicadu
Tenet amore patriu fervente
Istimat totu indistintamente

Benit chi sa Turchia su rispettu
Hat segadu a sos Italianos
Vittoriu 'e s'offesa est inchiettu
E li domandat cun motivos sanos
De li zeder in bonas su derettu
Chi in Libia tenian sos Romanos
Su Sultanu li negat che ingratu
E Vittorio mandat s'ultimatu.

Movet tando sa truppa italiana
Contra de sa Turchia andende armada
E a su primu attaccu chi li dana
Benit Tripoli subitu occupada
Sighit sa gherra cun forza sovrana
E semper sa vittoria esaltada
Bessesit pro su sacru tricolore
Acquistende imperituru onore.

In dogni attaccu e cumbattimentu
S'Italia tenzesit sa vittoria
Ei su gra Sultanu in fallimentu
S'incontrat c'hat perdidu briu e boria
Bindighi meses de battaglia hat tentu
E mai unu triunfu pro memoria
Non tenzesit su turcu bruttu e vile
A fronte de s'esercitu civile.

E cale pius gloria e onore
Podet tenner s'istella Savoiarda
Chi cun d'unu esercitu minore
Cumpostu 'e zente italiana e sarda
Cun magnanimidade e cun valore
Hat leadu a su turcu sa cuccarda
Conquistende insomma senza ismania
Sa Cirenaica e Tripolitania

Ponner s' italianu a paragone
Cun sa forza chi hat su turcu in terra
Est comente a ponner un'anzone
A fronte e su leone andende in gherra
E puru cuss'anzone a su leone
L'hat divisu su coro perr'a perra
La rendet ísconfittu in sa battaglia
Lassendulu senz'ungia nè iscaglia.

Pustis de duos annos alleadu
S'est cun Russia, Francia e Inghilterra
D'entusiasmu Vittorio armadu
Pro liberare s'Italica terra
Ch'Austria s'aiat usurpadu
Ecco chi contr'issa enit in gherra
Cun magnanimu coro e cun criteriu
Andat a fronte 'e cussu grande imperiu.

S'attacan con esercitos armados
Pro difender sa terra ereditaria
Muraglias, fortes e reticulados
Sos nostros che los pesan totu in aria
Benin medas terrinos occupados
In s'accanida lotta sanguinaria
E perdet s'austriaca canaglia
Armas materiales vettovaglia.

A chentos e a mizzas presoneris
Faghen sos nostros milites famosos
E che bonos vatentes gherreris
Si distinguen sos sardos coraggiosos
Pro sa patria gherran volonteris
Binchen sos logos: prus perigulosos
Non timet fogu ne arma bianca
Isveltos cumbattinde a destra e manca

E continuat s'armada italiana
A lis leare ogni posizione
Lean Ledro, Terragnolo e Sugana
Borgo cun Fassa, Tenezza, Daone
Adamello, Peuma e Col di Lana,
Marmolada, Selze e Monfalcone,
Cristallo, Lucinico e Monte Nero,
Zagora, Dogna, Tolminu e Arsiero.

Montasio, Modrea e Cervignanu
Aquilaia e Santamaria
Gosmagon, Sabotino est puru in manu
Plezzo, Gradisca e Santa Lucia
Magnaboschi e calchi altipianu
Castagnevizza e ancora Istria
E Monte Cuccu cun Monte Cimone

Triunfende in ogni occasione

Binchesit Carso Cadore e Trentinu
E in Isonzo s'armada italiana
Ala Stringo, Pieve e Tesinu
Costrozza Caporetto e Moncesina
Asiago, Fiera e San Martino
Le Merle, Pau, Ampezzo e Cortina
Gorizia, Toffana e Modreizza,
Moso cun Monte Santu e Bainsizza.

B'ordin sos inimigos tradimentu
Passende a Caporetto cun ingannu
E rinvaden senza cumbattimentu
S'acquistadu oltre duos annos
Vittoriu pro cussu discutentiu
In sè cuncentrat prus rancores mannus
E si disponet issu de leare
Su cumandu 'e sas truppas pro affrontare.

Arriscat pro sa patria sa vida
Vittoriu cun animu e decoro
Pro chi sa traitora zente infida
Sonore si. l'hat bendìdu pro s'oro
E disonorat sa gioventude ardida
Custa canaglia fingida che rnoro
Chi s'Italia nostra valorosa
Restat arrancorida e birgonzosa.

Faghet in su Piave resistenza
S'armada italiana cun cumpassu
E i s'austriaca prepotenziaarm
No s'avanzat pius manc'unu passu
Tentat de s'avanzare cun violenza
Ma tantu terribile fracassu
De mortos su fiumene pienat
E i s'invasione intantu allenat.

Sustenet firma sa posizione
Sa forza nostra bene attrincerada
Vittoriu cun bona intenzione
Designat su pianu a s'assentada
Tentat una propizía occasione
De dare s'offensiva, a s'ìspensada
Riordinat sas truppas e trinceas
Cun sas suas filosofas bideas.

Faghet calchi piticcu avanzamentu
S'armada nostra in su fronte esistente
E i sos inimigos tradimentu
Han tentadu de fagher novamente
Ma no han logu a procedimentu

Pro chi s'armada italica fervente
Lis parat fronte e prestu los respinghet
A lassare su postu los costringhet.

A punt'a s'annu de s'invasione
Vittoriu cumandat a s'offensiva
E che unu invincibile dragone
S'arma nostra curnbatit attiva
S'Austria a s'improvvisa aggressione
Isgominada e de poderes priva
Si fuit isconfitta e disperada
Perdende tota sa terra invasada.

Sighit sa gherra in terra, aria e mare
Comente hat Vittòriu ordinadu
E sos nostros cun fulgidu gherrare
Hana su grande esercitu atterrada
Cun provas de valore singolare
Riacquistan su drittu usurpadu
Binchen a Trento, Fiume e Trieste
E s'Italia tota unida s'este.

Ecco postos in liberazione
Sos logos usurpados e invasos
Chi pro s'infame dominazione
Fini populos oppressos e romasos
Vittoriu cun coro de leone
Affrontende sa morte in medas casos
Hat dadu, libertade vida e pane
A frades nostros trattados che cane.

Vittoriu potente in terra e mare
E invincibile in forza aerea
Su Montenegro hat devidu salvare
S'Albania, sa Serbia 'e pelea
Riscatat su chi hat cherrfidu usurpare
A s'Italia nostra europea
Hat difesu sa Libia ite gioia
Drittos de Malta de Nizza e de Savoia.

Est Vittoriu terzu chi hat unidu
S'Italia dae seculos divisa
E' Vittoriu terzu est chi hat cumpridu
S'impresa chi su bisagiu iat decisu
Est Vittoriu terzu chi attrividu
S'est a la liberare a s'improvvisu
E cun sa sua magna gratitudine
Nos salvesit da s'ischiavitudine.

Ca Guglielmo s'haiat bideadu
Cun Franziscu Zuseppe unidamente,
In s'europa atterrare dogni stadu

Cun d'una ambizione prepotente
E cun presunzione infatti hat nadu
Chi deviat esister solamente
Unu Re in su Chelu dominante
E in sa terra unu solu regnante.

Ma non sun sos contos resultados
De aer s'universu in manu insoro
Ca sos bonos civiles alleados
Impegnende su samben de su coro
Isconfittos los hana e debellados
Pro custu los elogio e los onoro
E auguro chi vivan chent'annos
Portende a s'universu benes mannos.

Italianos mannos e minores
Cuncurrinde da ogni parte e banda
E cun rosas e atteros fiores
Tesside a Vittoriu una ghirlanda
Ca debellados sun sos invasores
Italia orgogliosa e superba anda
E poneli in sa testa a tua manu
Sa corona 'e s'imperiu Romanu.

Pensa chi cun decoro e cun azzardu
Ti hat postu in liberu caminu
S'amorosu, magnanimu Re Sardu
Ch'est su Principe 'e Napoli e Torinu
Su samben'eccellente Savoiaru
T'hat liberada e amada continu
Est Vittoriu terzu in cust'isfida
Ch'at pro te impegnadu forza e vida.

Sardigna pro su tou samben caru
Tota contenta e tota aggradessida
Offri a S'eroe una corona 'e laru
A fozas d'oro e gemmas abbellida
Esalta su valore eccelsu e raru
De cust'istirpe a tie grata e fida
E canta eternamente innos de gloria
Pro sa grande invincibile vittoria

Non bastante su sambene versadu
Pro s'amore 'e sa domo Savoiarda
Ma si l'aides in simile istadu
Volentierosa progenie sarda
Impigna coro e vida cun coidadu
Attiva baldanzosa e gagliarda
E isparghe su caru samben tou
Pro sa difesa 'e su samben sou.

E tue, cara istirpe, a sa Sardignia

Protegela cun zelu e gentilesa
Sollevala si bides chi nd'est digna
In tanta insuperabile afflitesa
Prima d'esser felice iat s'insigna
Como dae sos males troppu offesa
Si. lamentat chi est in patimentos
Ma non sun iscultados sos lamentos

Bidende vanu su si lamentare
Sa poverita classe proletaria
S'impignat cun. isforzu a tribagliare
Si rendet ischiava volontaria
Ma non podet sos males superare
Pro chi semper s'annada l'est contraria
De modu chi su tribagliu annuale
No bastat pro s'imposta erariale.

Duncas, Reina mama 'e grande amore
Chi has' semper sos suditos amadu
Traffita da s'orribile dolore
De ider su consorte assassinadu
Tene corno gaudiu e s'onore
Chi su genitu tou hat acchistadu
E che mama de sa patria amorosa
Amentati 'e se zente bisonzosa.

E tue, graziosa cara Elèna
Lughente istella 'e s'Italicu istadu
In parte conturbada dae sa pena
Bide su genitore ispodestadu
Corno godi cun gloria piena,
Pro su triunfu e onore logradu
E gosie sos fruttos tuos caros
Si colmen cun pius onores raros.

Ancoras tue grata e cumpassiva
Prego d'esser cun sa prole affligida
Chi de felicidade essende priva
Amat sa morte pius de sa vida
Ca de tanta fastiga eccessiva
S'incontrat isbancada e consumida
E oltre de sos tantos patimentos
L'opprimit sos forzados pagamenti.

E auguro a Umberto segundu
Felice sorte e prospera salute
Ch'in talentos filosofos profundu
Lu ammiret s'eletta gioventude
Imitet a su babbu in custu mundu
E crescat in valore e in virtude
Chi in tota s'europa terra e mare
Lu potent sos pius dotos imitare.

E tue magnu sire intellettosu
Salvadore 'e sa nostra Nazione
A largos annos regnes vittoriosu
Cun conchistas de ammirazione
Chi che eroe potente e valorosu
Sies de s'Europa campione
E custas conchistas tinde godes
Tue e sos tuos posteros cun lodes.

E pro grazia prego 'e t'ammentare
De s'afflitta Sardigna, Sire gratu
Nessi in amore 'e su bonu operare
Ch'in cuss'impresa sos sardos hanu f'attu
Sa vida insoro e cherfende impignare
Pro la ponner sa Patria in riscattu
E da chi si congedan custos bravos
Pro bisonzu non torren ischiavos.

Tue chi has sa manu poderosa
Comente babbu, de sinceru amore
Sullevala cust'isula affannosa
Ch'es fra d'ogni istadu inferiore
Affranta, isfruttada 'e dogni cosa
Cun pagamenti de dogni colore
Chi de tantos triibaglios e produscos
Sos Sardignolos non de godin fruttos.

E cando mai s'hana sollevare
Sos sardos in s'isventurada sorte
Si no bh'at chie 'e los disimpegnare
Fra sos bonos ministros de sa Corte
Ca li toccat continu de affrontare
Tribagliu patimentu e pena forte
Si non ses Tue, istirpe Savoiarda
Chi la sollevat cust'isula Sarda?

E a tie, governu italianu
Fra sas felicidades triunfales
Chi vivas t'auguro friscu e sanu
Cun ministros e fidos generales
Ancoras tue distende sa manu
Pro leare a s'Italia sos males
E pro grazia dona una mirada
A sa Sardigna ch'est ismentigada.

Infine cara istirpe maestosa
Regna in paghe in sinu a Roma Santa
Gradi custa ghirlanda preziosa
E de sas tantas la colloca accanta
Elogiu gratu de Franziscu Rosa
Pro signu chi ti hat istima tanta

E pro chi non possedit mezzus donu
T'augurat s'imperiale Tronu.

Invocazione

Faghet su poeta s'esordiu de su cantu imprende s'azudu da Deus.

1

Non canto sas bellesas vantaggiosas
Chi abbagliant su mundu tott'in d'una,
Ma canto, si m'azuat sa fortuna,
De turmentos e palmas gloriosas;
Canto sas gratas legges religiosas
Ch'a sa fide de Cristos nos aduna(nt),
E si happe fortuna e resistenza
Canto de sa Divina Onnipotenzia.

2

O Signore supremu e soberanu,
Babb'e s'humana generazione,
Ca deo happe paga istruzione
De preigare a s'homine tiranu,
Manda sa tua illuminazione
Ch'illuminet dogni ment'e cor'humanu;
Pro chi connoscat dogni miscredente
S'amore tou, o Babbu onnipotente.

3

Deo tottu converter los cheria,
Ma non bastat sa mia abilidadade
Si tue no mi das attividade
Che a Giona profeta e a Elia.
Illumina su coro e mente mia,
O suprema infinita deidade,
De santa caridade, in custu cantu,
Pro chi su malu si diventet santu.

4

De coment'has a Pedru illuminadu
A Marcu, Luca, Giuanne e Matteu,
A Simone e Andria e Zebedeu,
E a tottu s'interu apostoladu,
Faghe chi siat puru infiammadu
De amore su tristu coro meu;
Dendemi forza a poder convertire
Sos ch'a tie non ch'erent ubbidire.

5

Deo da te imploro s'assistenza
Pro dare a tottu sa conversione;
Non faeddo pro vana ambizione
Ma pro diriger tanta miscredenzia.
Dami, Signore, ispiritu e scienza
De comente nd'has dadu a Salamone,
Tales chi deo sia tantu addottu
Chi si convertant a sa fide tottu.

6

Pro chi connoscant puru chie ses tue,
O Babbu poderosu e sublimadu,
Dà lughe a sos chi t'hant ismentigadu,
Pro chi t'ament cun fide, senza nue,
In dogni part'e su mundu... in tottue;
Illumina dogn'homine ostinadu
Dendeli lughe cun connoschimentu,
Pro chi fuant s'errore ogni momentu.

7

Tue ch'has fattu s'homine vivente
Pro ti connoscher, servire e amare,
Tue procura 'e lu rimediare
In cust'esigliu 'e sa vida presente;
L'illumina su coro e i sa mente
Pro ch'issu lesset s'abitu e peccare.
Tales chi pustis sa vida terrestre
Ti gosent tottu in su regnu celeste.

8

Tue chi dogni tempus has presente
Supremu Babbu 'e su mundanu gregge,
Tue chi podes, s'homine curregge
Senza lu preigare pro niente.
Dà vera lughe a s'isconnoschente
Chi non connoschet dottrina nè legge.
Custu da te necessitat de lughe
Pro si cunverter a sa tua Rughe.

9

Dae s'alta, celeste permanenzia,
Signore soberanu e infinitu,
Illumina ogni coro malu e frittu,
In tanta zeghidade e miscredenzia.
Mostra ancora sa tua onnipotenzia
Che cando l'has ammustrada in s'Egittu;
Pro si cunverter dogni coro duru
Dà lughe a sos chi vivent in s'iscuru.

10

O Virgine Maria 'e su Carmelu,
Mama 'e su divinu Redentore,
Tue, o mama de infinitu amore,
Besti su coro meu 'e santu zelu,
Pro chi dirige in sa via 'e su chelu
S'anima 'e dogn'ingratu peccadore;
Dami tue ispiritu fervente
Pro preigare a s'homine incredibile.

11

Tue Virgine pura e sacrosanta,
Mama nostra divina, piedosa,
In custa vida terrena affannosa
Dà nos coraggiu e passenzia tanta,
Illumina sa zente totta canta
Cun sa celeste fiama amorosa;
Pro ch'ament tottu sa fide divina
E ti conoscant pro Mama e reina.

12

Mama casta, infallibil'e purissima,
Miranos tottu cantos cun clemenzia
E dà a sos peccadores conoschenzia
Pro chi detestent s'idea indignissima;
E ament tottu cun fide castissima
Sas legges tuas cun obbedienza;
E faghe ch'in te fide tenzant tottu
Pro ti conoscher si non t'hant connotu.

13

Tue chi ses Reina, sole e luna,
Aurora 'e su chelu e firmamentu,
Dà lughe a tottus e conoschimentu
Chi non si perdat anima nisciuna;
Aggiuda sos terrenos cun fortuna,
Pro chi ti ament senza fingimentu.
E dà conoschimentu a cuddos zegos,
Miscredentes, filosofos e legos.

14

A incredulos e idolatranos
Infiamma su coro 'e santu ardore,
Pro chi tott'ament cun fidele amore
Sa religione de sos cristianos;
A cantos b'hat ereticos, paganos
Lughe lis dà pro conoscher s'errore.
In summa a dogni naschidu vivente
Bon'idea li fissa in coro e mente.

15

Pro chi s'accostent a sos sacramentos
Sos chi dae sa fide sunt lontanu,
Tue, o mama de su soberanu,
Don'a su malu bonos sentimentos;
Pro chi sos dissolutos violentos
Detesten puru s'abitu profanu,
E si reduant cun devozione
A sa santa, divina Religione.

16

Virgine immaculada casta e pura,
Perfetta mama 'e su divinu Infante,

Tue, o mare de grazia bundante,
Illumina ogni coro e mente dura;
Pro chi t'adoret dogni criatura,
Dà nos sa lughe ch'est necessitante,
Pro chi cun custa lughe ogni mortale
Si conchistet su bene celestiale.

17

Tue Reina 'e grazias piena
Attende a custa pregaria mia,
E faghe chi cunzessa da te siat
Custa supplica amabile e serena.
Salva tue dogn'anima terrena
Da s'infernale pena e tribulia.
A tales chi a pustis de sa morte
Ti gosent tottu in sa celeste corte.

18

O sacra magestade 'e Deus trinu,
Manu sa prus potente dominante,
Dade lughe a s'homine birbante
Pro caminare in su giustu caminu.
E a su coro ingratu e malandrinu
Dal'ispiritu forte insuperante,
Pro chi detestet tantu fagher male
E si diventet coro liberale.

19

E tue, Re de su celeste regnu,
A s'operare nostru attende e mira;
E a dogni naschidu in coro ispira
Fiammas de amore pro sustegnu;
Pro chi su malu si diventet degnu,
Sa mal'idea a s'homine retira;
Pro chi totta s'intera umanidade
Potat fagher cun tegus s'amistade.

1913

Ottava cantada dae Zizzu Roseddu a Zuanne Battista Pes

Sa limba mia brusciat su fogu
si deo soe faeddande male:
tue ch'istimas a sant'Antiogu
naran chi l'has affettu cordiale
però si si siccat su enale
malaighes su santu e 'i su logu;
si sas bundantes venas restan siccas
lu malaighes faghinde sas ficcas.

1951

Risposta de Tzizzu Rosa a Peppe Loche po su cordogliu po sa morte de Battista Pes

Loche a s'invitu tou app'adempidu
fattende a Gianbattista su cordogliu
de piantu pienu appo su fogliu
ca non tenia frenu, ne aguantu
su fogliu appo pienu de piantu
ca non tenia aguantu ne frenu
de piantu su fogliu appo pienu
ca frenu ne aguantu non tenia
ca riflettinde a su sucessu fia
tristu de coro turbadu e sentidu

Una pianta de laru fozzìdu
ponzesi a su poeta caru a manta
de fozzìdu laru una pianta
ponzesi a manta 'e su poeta caru
una pianta de fozzidu laru
ponzesi a manta 'e su caru poeta
salmos li rezitesi a sa segreta
po ghi siad in chelu collocadu

Loche a s'invitu tou app'adempidu
fattende a Gianbattista su cordogliu
de piantu pienu appo su fogliu
ca non tenia frenu ne aguantu
su fogliu appo pienu de piantu
ca non tenia aguantu ne frenu
de piantu su fogliu appo pienu
ca frenu ne aguantu non tenia
ca riflettinde a su successu fia
tristu de coro sentidu e turbadu

Sa cunsorte e sos fizzos hat lassadu
in fastizzos tristura e luttu forte
lassadu hat sos fizzos e cunsorte
in luttu forte tristura e fastizzos
lassadu sa cunsorte had e sos fizzos
in fastizzos tristura e forte luttu
ca su grave paralis hat distruttu
su baluardu de s'amore insoro

Loche a s'invitu tou app'adempidu
fattende a Gianbattista su cordogliu
de piantu pienu appo su fogliu
ca non tenia aguantu ne frenu
su fogliu de piantu appo pienu
ca non tenia frenu ne aguantu
su fogliu appo pienu de piantu
ca frenu ne aguantu no tenia

ca riflettinde a su successu fia
turbadu de sentidu tristu in coro

Po custu s'eliconu a rosas d'oro
l'offerid una corona a bonu gustu
s'eliconu a rosas d'oro po custu
l'offerid a bonu gustu una corona
po custu a rosas d'oro s'eliconu
l'offerid una corona a coro bonu
da sa mama natura aiat su donu
de poeta che naturalista

Loche a s'invitu tou app'adempidu
fattende a Gianbattista su cordogliu
de piantu pienu appo su fogliu
ca non tenia frenu ne aguantu
su fogliu appo pienu de piantu
ca non tenia aguantu ne frenu
de piantu su fogliu appo pienu
c'aguantu ne frenu non tenia
ca riflettinde a su successu fia
turbadu de sentidu e coro tristu

Ma sa verale parca in d'un avistu
li hat sa barca fattu andare male
in d'un avistu sa parca verale
andare male li hat fattu sa barca
in d'un avistu sa verale parca
andare male sa barca l'hat fattu
had obbedidu a su cumandu esattu
e che l'hat leadu dae vista

Loche a s'invitu tou app'adempidu
su cordogliu fattende a Gianbattista
po sa canchista d'eterna memoria
in paghe santa riposede e in gloria

finis caru poeta
in s'eternu riposu
ogni felicitade immensa gosa
custa ghirlanda azzeta
chi cun coro amorusu
t'offerit su compare tou Rosa
est miseru su donu
ma comente ti lu offerit, malu o bonu

il tuo caro collega

Francesco Rosa

Tres torradu

Amigu si no as istudiadu
in cantinzoz travessos de lettura
non podes resessire in cussu ingressu

fattu has unu cantu retrogradu
senza tenner ne trassa e ne misura
chi meritat a tie su prozessu

cand'app'intesu tottu su suzessu
a mie mi pariat avvolottu
cand'app'intesu su suzessu tottu
un avvolottu pariat a mie

Fattu as unu cantu retrogradu
senza tenner ne trassa e ne misuras
chi su prozessu meritat a tie

tue no ischis legger ne iscrie
inue abitta ti debes curregge
tue no ischis ne iscrier ne legge
curregge ti debes inue abitta

Fattu as unu cantu retrogradu
senza tenner ne trassa e ne misura
chi su prozessu a tie ti meritta

si no faghes faina iscuisitta
de seguru ti marco progenina
si scuisitta non faghes faina
progenina ti marco de seguru

in s'arte ses andande a s'avventura
chervendeti a d'ognunu dare a pese
in s'arte a s'avventura andende sese
senza ti ponner riparu niente
como risponde si has talentu in mente.

finis tres torradu

Scano Montiferro, 01.09.1895